

滇黔紀遊

地 835  
827



滇黔紀遊



滇黔紀遊

貴州

江陰陳鼎子重著



鎮遠府河勢紆曲水由黃平州萬山中來峰巒聳拔上出重霄無城郭依山為衛隔河有衛城今省衛入縣實以守兵誠控御良策也水路上阻諸葛洞之塞止可到此故舟車駟輳貨物聚集下十五里即兩路口乃通黎平之道也黎郡北連楚壤南接西粵中有九股黑苗聚落於古州八萬方二千餘里泉甘土肥出五金礦民物豐阜俗以十一月為歲首其地家蓄肥牯織五色布每元旦殺牛焚布以祀天自古不服中國今為狝家誘出焚掠邊境黎平受害特甚出鎮遠西門即油榨關雖不甚險實鑿開一綫之道也過關平路十里至相見坡三重迭起高皆千仞計程有三十里登首坡則尾見立中坡前後顧則首尾見陟尾坡則首見行旅者此以手招彼以口答應嚮若咫尺而不知三十里之遙也

華嚴洞中有大士像儼如雕琢洞深數十里諸景畢具大有洞天之勝

望城坡登其巔可望偏橋衛城故名南里許即諸葛洞相傳武侯征蠻鑿開運糧者然非洞也乃兩山陡立中夾一溪後為大水衝兩崖巨石梗塞中流舟楫難行明黔撫郭子章開通直達黃平旋復塞國朝制軍卞三元復濬通舟民稱便焉今復巨石壅斷即如葉漁舫不能行矣諺曰若要此洞開除非諸葛來豈其然歟傍有半蓮洞狀如半朵蓮花妙高臺在其北合廢崖半有武侯蕭公



晏公楊四將軍石刻像郭卞二公碑記在焉

偏橋本衛近省入施秉縣移治焉下七八里有白雲洞深十里許中有蛟龍獅象石牀石甃等景頗可遊觀

飛雲巖玲瓏竒絕巖下有溪石梁亘之度橋歷級而登仰窺雲際覆如華蓋乃飛雲巖也蛟龍獅象乳滴成上垂下伏鱗甲宛然巖外三峰壁立高與檻齊有亭翼然臨於峰上飛泉潺湲冬夏不絕或曰巖性好潔昔有穢者信宿于此則瀑水突至瀾漫澣濯再穢復澣巖下有洞深不可測或云達鎮遠後山西即月池上有月潭寺松杉遠屋蒼翠參天內有王陽明先生碑記言天下之山萃于雲貴連亘萬里極天無際往來之人日攀援於重巖絕壑之間雖素有泉石之癖者一陟雲貴之途皆踣困煩厭非復夙好至此即傭儔俗侶宿不知有山水之觀者亦徘徊顧盼相與延憇而不忍去可謂善寫此巖者矣

興隆衛即古牂牁郡今省入黃平州移州治于內焉歷三十里渡重安江江之上流接新添衛諸山之水合平越葛鏡橋麻哈江下入古州八萬經生苗地二千餘里達黔陽合大溪趨洞庭以入大江者也

大風洞即道書所謂時蒼洞天也又名雲溪洞後門在楊老西與平越接壤蓋深二三十里矣中有蒼龍白虎石鐘可扣石鼓可搗入里許則涼風颼颼人肌骨雖六月須披裘以遊至半有天穴如斗斜逗日光照見一切洞外有亭殊可憑眺

竹王祠在楊老驛去清平縣三十里三月間香火極盛相傳漢時



夜卽女澣於邈水忽有巨竹三節上流浮下中有兒啼聲剖得一男育之及長有材武自立為夜卽侯以竹為姓能以威德撫諸蠻蠻皆歸之武帝平西南彝侯迎降封夜卽王後乃殺之蓋猜其欲叛也群蠻思之不置請立後牂牁太守吳君以聞乃封其三子皆為侯俱能以德撫衆既卒群蠻立祠祀之黃絲驛亦有其廟香火亦盛

葛鏡橋跨麻哈江而造兩山壁立千仞相束一江水黑如膠有風不波霧罩山昏鮮見天日昔皆懸絙以渡沉溺者衆明嘉靖間里人葛鏡建橋以濟旋圯再建復傾乃齋戒沐浴率妻子刑牲以誓曰橋之不成有如此江遂破產經營卽成至今賴之

平越郡城內有張邈遺修道故跡邈過名三丰閩人洪武間以軍籍戍郡蓬頭赤足丐於市人呼為邈邈翁於高真觀后結茅為亭閉戶靜坐與指揮張某善嘗與飲博指城南月山寺地曰墓此可封侯張從之後果以戰功封隆平今亭前一池冬夏不涸旁有一桂亦其手植府南五里卽武勝關隔溪絕壁有三丰遺照戴華陽巾側身攜杖西行儼然圖畫旁有明撫軍郭青螺書神留宇宙四大字下有夜滴金橋雖晴夜亦雨灑數點又有晚霞斜照不計晴雨俱有斜暉

憑虛洞去新添衛十里衛省入貴定縣矣洞深十里中有瀑泉聲如雷吼俗呼母珠洞下五里甕城橋長百餘步其水入蜀

古福洞深四十餘里中有大溪水聲如雷昔有持炬入遊者見蒼龍偃息溪中鼾聲如雷吼懼而返余入遊時當冬月水涸溪水僅



尺遂褰裳以渡其中景物真天造地設浮圖高十六級每級三丈餘皆玲瓏有階可登每級俱有瞿曇像香爐炬臺皆天生成者石鐘石鼓擊之散聞洞外萬山俱响百谷皆鳴數十里都震動苗人盡驚咤奔視次日下午從後門出迂道百五十里而抵龍里餘從者尚伺于洞口菴中馳騎召之乃來龍里本衛也後改為縣南關外有留人洞幽靜可愛客至每留戀不忍去然淺迫止可容數人耳

觀音洞深五百餘里從洞中行乘七日炬可達都勻境從來少人窮其穴者明有直指方君魯盡遊焉余有好奇之癖因具十日炬裹一旬糧而入初數里甚宏敞愈入愈窄止可容一身若是者十餘里乃後愈窄側身以行者三里三里之外則可馳五馬駕高軒

矣中有樓臺殿閣人物花鳥之景皆碧乳融成者也至七十里舉炬四照則無涯矣因循石壁以行壁之畔有泉一泓甘香如醴泉之畔有銅釜一可容十升壁上有題句云隆慶三年錢塘方紹宗於此煮泉筆墨淋漓字畫道勁大可愛人蓋直指公所書也余亦續題云康熙十年江陰人陳鼎亦於此煮泉行十餘里則不復曠蕩矣竟行九日半始得達後口乃都勻府之東盡境窅麻地方再五里即苗彝中矣

龍洞去貴州省城五里淺窄不可遊省城之水皆流入陸廣河下烏江者也自省以西山川迥異皆箇箇自生不相聯絡無復瞻顧依迴之狀或如鐘鏞特豎或如鎗槩轟天或如烽墩孤立俱平地突起遠道而生遠山則連亘挿天童然不毛田皆石底上惟尺土



五日不雨則苗枯槁世所謂雨師好黔言黔中無五日不雨也雨師豈真有所好哉良由彼蒼愛人之至惟恐禾荒民饑故無五日不雨耳

棲霞山在省城東二里孤峰特立峭壁凌虛由北坡曲折而上至巔則平坦如枰局四高中洼遠廓西行入大士洞登捨身巖穿紫竹徑西升傑閣遙瞻會城烟火萬家歷歷在目

涵碧潭在會城南合定廣威平之水而入南明河越霽虹橋而東行將折而西北至此淵而不流即涵碧潭也上有釣鰲磯跨以石梁明郭撫軍築以障水者磯上有甲秀樓左武侯祠右維摩閣俱近碧潭頗可遊覽南明河水鳴會城必有回祿之厄

相寶山在會城東北里餘上有屏山寺寺西一巖周擁大樹踞巖西望可窮千里目也

朝陽洞在會城銅鼓山傍文筆峰側幽深四十餘里頗可遊覽秉三日炬則盡其勝矣

龍井在會城內西北隅冬夏不竭大旱三年亦不涸泉甘而碧合城皆賴之

紫池即紫泉發源於鬱江乃逝水與牂牁江之源也流入洞庭匯于大江而入海

扁釣泉在會城西十餘里黔靈西南山中廣不盈尺一晝夜百盈百縮置表以測莫之或爽俗呼百刻泉又名百盈泉又名聖泉味甘而冽久服可愈瘋黑髮駐顏却老

黔靈寺乃撫軍曹升吉所創初荒山也寺在山巔盤曲而上者三



里有泉一泓可供百衆大旱不涸寺后一池冬夏不竭周多竹木頗幽勝也

白雲山在會城西南定番州境乃明建文帝晦跡處有流米洞米自洞中流出以供帝帝去米絕跪接泉相傳龍神獻帝在峰半峭壁間須跪而汲者

谷水龍在會城西南五十里有大寺容衆數百去寺十里有泉從石壁流出甘美清碧居人咸飲之遇有兵變則色赤如血

黔省苗蠻種類甚多有花苗東苗西苗牯羊苗青苗白苗谷蘭苗紫姜苗平伐苗九股黑苗天苗紅苗生苗羅漢苗陽洞苗黑羅羅白羅羅八番苗打牙佬剪頭佬木佬种家苗土人苗猺獞苗蠻人苗楊保苗狗耳龍家苗馬鎧龍家苗隸人洞人宋家蔡家共

三十餘種風俗各異惟宋家蔡家馬鎧龍家乃戰國時楚伐宋蔡龍三國俘其民放之南徼流而為苗者知中原禮義衣服祭祀婚嫁喪葬揖讓進退一票於周而花苗東苗西苗牯羊苗四種淳朴外其餘皆不可以禮法教者惟土司官威刑始得以制之諸苗中种家最惡而險通漢語知漢書到處皆有其種蓋其商賈於諸苗之中如徽人紹人之於中原也然秉性匪良專造藥弩種蠱毒構結生苗剽掠百姓為害最烈捕則竄入深箐無從追緝生苗者無頭目不服土官繫束雄而強者即為長或聚至數百人即僭號稱帝儼然冕旒黃衣而端拱于荒山之巔以受數百人之朝賀而呼萬歲官兵至則遁而之他山逢人即殺見物即劫去司官或統人四面截殺則盡之矣他日又有群聚者仍然焚掠而种家多通諸



苗之言多識楚文之人復誘而入內地劫殺商賈為害不可勝言  
田綸霞先生撫黔設鵬勦法始不敢出四境獲安苗俗每歲孟春  
月男女各麗服相率跳月男吹蘆笙於前以為導女振鐸於后以  
為應連袂把臂盤旋宛轉各有行列終日不亂暮則挈所私歸謹  
浪笑歌比曉乃散聘贖視女妍媸而定多寡必生子然後歸夫家  
惟紅苗為甚每至立春日擇男女之麗者扮各故事以迎於市為  
樂男子之麗者即古之潘安宋朝有不及焉女子之麗者漢之飛  
燕唐之太真亦無能出其上矣此種女子欲購之者牛馬當以千  
計而始肯肯男子皆不樂為龍陽君有犯之者輒自殺  
刺梨野生夏花秋實幹與果多芒刺味甘酸食之消悶煎汁為膏  
色同楂梨四封皆產移之他境則不生每冬月苗女子採入市貨

人得江浙楚豫客買之苗女喜曰利市得佳客交易也本省人為  
之買則倍其價江南人或物色之則舉筐以贈曰愛莫離愛莫離  
者華言與你有宿緣也或有調戲之者則大怒曰落勿渾落勿渾  
者華言沒廉恥也所謂物色之者非有他意也乃婉容愉色以問  
其小處故喜悅也山峒中諸苗男女見吾輩鮮衣怒馬僕從呼擁  
而至舉家皆出而膜拜有不知者輒大駭呼之而出曰睨漢即睨  
者視也漢即者漢官也或下馬過其家乞水火必舉家男女跪而  
奉之其愛慕中國如此惜乎無有以化之者苟有化之者皆相率  
而入禮義之域矣

脆蛇出土司中長尺餘伏草莽間見人輒躍起跌為數段少頃復  
合為一其色如白金光亮可愛悞拾之觸毒即斃其出入有度捕



者置竹筒徑側彼以為穴也而入其中急持之則完稍緩則自碎矣故名脆蛇暴乾以去瘋癩視其身上中下以治頭腹脛股固不効也又可接斷骨價值兼金

圓蛇狀如石卵斑爛可愛悞持之得人氣即化為蛇啣人即斃尸不敢收五里内外人不敢行觸其穢氣腫脹而斃苗人三日後取竹矢揵死所七日取用中人輒斃

藟醬味辛乃萋藟所造食可消瘴芋桃籐取汁可膠巨石他處斷而膠處如故山中造石梁者常以之相續恒數十丈駕空以渡所圮者輒非所膠處或中斷而兩頭喬然不墜苗人以木板續之行旅往來無恙

真陰紀遊

八

初秋生蔓草中始奮如笠既如蓋漸則披紛如雞羽故曰雞以其從土中出故曰從

藝草即燻麻生於澤畔多刺螫人手足輒腫脹痛不可忍逾日方平人比之蜂蝎虺蠱也土人採以沃湯可療瘋瘰

凱里鉛可治蠱中毒者取以浸水作汁飲之即愈與葉荷葉全効清鎮縣故威清衛有兩尖峰平地突地起俱高千仞上各有廟每仲春遊者絡繹

安平縣即平壩所有喜客泉客至則湧如沸客去則否十里沙竹有珍珠泉又名貪泉平時無水焚楮帛則泉湧如沸高噴數仞天台山上有神女廟女冠所居翠樹葱葱頗可遊覽有泉一勺即十萬人飲之不竭



羅漢洞深十餘里中有泉一泓其色如黝甘香清冽者茗則色如渥丹飲之唇齒皆赤七日乃復羅德山有石羅漢遠望酷似安順府自清鎮抵滇界十三驛俱為所轄乃黔西孔道也出西關四十五里有龍井每年立秋日井內發聲如鼓聞數十里名龍打鼓主來歲雨多

鎮寧州本安莊衛今省入州移治於內此路山川又一變矣山亂如麻俱高萬仞山巔突起尖峰如槩如笋者指不勝屈

白水自東北高山峰半流下歷數十里而至白河懸崖數仞寬十餘仞白練飛流怒濤翻湧隔岸有碑題雪練晴川四字犀牛潭有五色雲起潭有伏犀水從峭壁直下兩水相激成霧飛灑數百步霑人衣裾相傳潭中逆變時解餉官棄金十餘萬於內人多垂涎

之有善泅者沒水以求一犀熟睡波底遠皆珍寶遂擇巨者攫之以行犀覺遂至岸泅者與之鬪力竭擲還犀始退類齊東之語然山陰呂泰字名士也作歌以記其事摹寫極工好事者書于廟壁潭西有望水亭可凭眺其勝此水合盤江而趨粵西以入海

霸陵橋即關索橋水從西北萬山來亦合盤江而趨粵西以入海關索嶺為黔山峻險第一路如之字盤折而上山半有關壯繆祠即龍泉寺中有馬跑泉甘碧可飲相傳壯繆少子索用鎗刺出者寺內大竹千竿青葱可愛寺外道旁有啞泉今已閉碣曰亘古啞泉西巔即順忠王索祠鐵鎗一株重百餘斤以鎮山門按陳壽三國史壯繆長子平從死寧沮之難次子興為侍中數年歿未有名索者意者建興初丞相亮南征從者其索乎有功於黔土人祀之



黔人呼父為索尊之至而以父呼之耶相傳索從亮南征為先鋒  
開山通道忠勇有父風今水旱災癘禱之輒應故血食千古一路  
至滇為關索嶺者三而滇中亦有數處似為壯繆子不謬也或謂  
關鎖嶺之訛程江夏滿江紅末句云當年陳壽是何人史獨缺誠  
為千載疑案然正史缺者頗多不獨索一人已也但不知王實甫  
作三國演義據何稗史而忽挿入索乎是皆不得而考也下嶺即  
關山驛自此以西俱高峰插天煙雲無陰晴瀟漫山谷

象鼻嶺兩峰壁立相夾一嶺如象鼻然濶三丈長百餘丈登其西  
畔高峰黔東諸山如培塿矣

永寧州俗呼頂站本驛也今移州治於內城北二里許有觀音洞  
深十里秉燭快遊亦勝事也內有石林一光濶如大理文石坐卧

則錚錚有聲反側間如有絲竹亂耳也好事者鐫題于石曰遊仙  
榻三十里外新舖西有潭深百丈潭旁石壁高千尋如千層餅狀  
亦奇觀也

鐵索橋駕盤江而造江源出自烏撒苗境深山中冬日水涸始見  
其泉凡七十七處俱臨於一谿遠曲靖道畢節而注安南縣合粵  
西烏梅江而下海入滇所必由也兩峰夾峙一水中絕斷岸千尺  
飛流如駛蓋天設以界黔滇者也往往舟濟多覆溺患明天啟間  
監司朱家民始冶鐵為絙者三十七長數十丈貫兩崖巨石間覆  
以木板相類棧道然絙長力弱人行其上升降不已身隨搖撼不  
克自持車騎必下前者陟岵後者始登若接武而行益增其險曩  
燬於逆今則兩崖甃以巨石柱以強材經以鐵絙緯以平板上覆



木屋人可駢肩馬可聯轡即魚貫列伍而行亦不驚矣上坡不過里許然陡峻難行不亞上關嶺也

安南本衛近改為縣城東里許有州牧魯公異撰墓公四川重慶府榮昌人前朝安南衛與永寧州同城丁亥賊薄壘公帥衆禦之兵潰被難同城指揮某求尸葬此墓旁有峰插天上有元帝廟南關亦有一峰相類上有玉皇閣俱可登眺閣下即南豐寺也語云熱盤江冷頂站行至安南討火向八十里間寒熱三變天地之間至此獨異境近粵西多瘴行旅須慎中者急覓黃花根取汁服之即愈自南關上坡至關將軍飲馬泉歷五雲坡過仙人洞徑老雅關皆斜盤百曲但石道寬平可行耳道旁石刻朱書鳥道千重四字頗壯麗度萬人橋至江西坡山嶺差平然曲折紆迴而上深澗

大壑心目茫然矣

晉安縣本新興所設吏治馬出南門上坡至觀音洞過九峰寺遍山皆羅漢松黔山俱童自此始有林木山楂樹高數丈谷中多白雲陰晴皆然度破橋至鸚哥嘴嶺甚險有鸚鵡寺聯額皆制軍王總文先生書大殿制府蔡公一聯云一峰天半聞鸚語萬籟松間只馬蹄語佳絕自此以上俱山上生山大山之水俱注溪澗小山之水衆峰環遶無趨洩之道俱由地中行或流入洞當春夏霖雨山巔汎濫如湖秋冬水涸又成陸地

白雲坡甚峻兩山壁立萬仞中夾一澗橫流淙淙俯而視之心目蒼茫晉安州當黔滇之交高山萬重俱出雲表關嶺雖峻亦無出其右也



碧雲洞在郭外數里石屏當門遊者撫摩光潤如玉出泉旁流散如擊筑內有石磬扣之錚錚入洞甚黑行百步豁然開朗即一線天也石罅漏日洞見一切黃甌大如斗瞿曇大士羅漢各一或倚屏獨立或傍榻跏趺或踞崖仰視鬚眉宛然絕壁數仞有龍上昇鱗甲欲動爪牙若舞再進則巨浪排空驚濤湧地一溪橫流燃炬以照旁有一徑甚窄側身可入盤旋數轉丹竈藥爐在焉轉灣一浮屠矗天玲瓏巧絕再行里許有石田千頃石閣五楹石榻石墩具焉出洞則在峰頂俯視萬山竟同丘垤

雲安坡俗呼雲南坡高萬仞極其險峻至巔西道濶僅數尺如一線相連止可一騎並行稍一失足則人馬俱墜如轉圓石於千仞之山矣仰視諸峰皆逼霄漢諸蠻多聚族而居山半耕鑿焉

亦資孔彞語也有驛在焉其地名有草納撒麻蛾蚰魯尼多羅矣納者察皆苗中鄉談

平彞里前朝平彞所屬境也過此十里即滇南勝景則雲南境中矣語云萬里雲南自江寧至雲省實五千餘里耳然道里遠濶每百里抵江南二百餘里諺曰貴州沒天理十里當五里統而計之則萬里豈虛耶

梵淨山在銅仁思南之交下小上大土名飯甌山高數千仞有古刹六春月進香者日以千計

鏡山亦在二郡之境有石如鏡相傳八月十五夜子時萬國九州之影悉現石鏡中

黔中諸郡皆荒涼惟思南府最盛有水道通舟楫貨物俱集而人



文亦可觀較之石阡思州有天壤之隔矣

烏江臘月晦日夜水中見圓月影其光不減望日而娑娑樹影亦  
明灼如月中

天花產峭壁間大如車輪色赤如火光映兩山皆如渥丹四月以  
後即謝落

威寧府本烏撒衛地也 國初吳三桂平安氏地開四郡設府治  
于烏撒土產馬高猛殊他產餘無所紀也



滇黔紀遊

雲南

江陰陳 鼎子重著

平彝縣本衛地明乙亥年始改縣設吏南渡兩重石橋道傍有清溪洞深十餘里諸景與碧雲相類大抵洞者皆洪水趨洩之門戶也其中景勝凡洞俱有皆大同小異俱碧乳融成石罅水氣所結如兩廣之神仙閩中之玉華廬州之崔仙湖廣之楚陽景與碧雲半相類矣出清溪後戶即紫泉洞亦幽深可愛遊者不倦過揚威峭皆如中原坦道兩山繁林木矣又多鸚鵡諸禽鳴穀上下頗傾畧耳

交水即新霑益州舊治去交水西北百十里往烏撒必由之道交水兩水相交平疇萬頃民物豐阜恍如江南風景矣去予留寓之曲靖府方三十里耳

滇黔紀遊

一四

馬隆州有義象塚明天啟間水西安氏叛率衆犯州滇省戒嚴撫軍調陶土司禦之陶有一象日將暮伏山澗中鼻吸泥水數斛突出咆哮跳躍鼻噴泥水直抵賊壘寇皆驚駭復捲一賊擲空墜死陶有牙將乘機遂北遂獲大捷及曉收師象中毒斃而斃土人德之葬于南山春秋祭掃至今不輟

木密關即木密所也有小關索嶺上有武侯及索祠祠前銅馬一乃唐時物也古栢參天俱大教圍道傍有碑云武侯平蠻會盟於此按史亮盟南人於木密即此也

易隆驛屬尋向州東坡有城即木密所也今已傾圮去城十里許



有溫泉可澡

大鼎山有海潮寺寺頗清幽多竹木面海子濶數十里週百餘里隔岬即嵩明州去寺半里道傍有毒泉碣云此係毒水飲者傷生楊林屬嵩明州前朝所也今省入州出東關五十五里即楊升庵慎題詩處也

板橋驛出西關三十五里歷鷓鴣哨度石梁而至歸化寺去滇城止五里矣登金馬山俯瞰城中煙火萬家樓閣參差雙目頓爽也自江寧至滇城共七十三驛計程五千二百零由洞庭水道則過之而幾有萬里矣

會城內有三山五華其一也上有武侯祠明末永曆帥孫可望建宮殿登極於上今則成瓦礫矣吳三桂即在城西北隅今惟餘池

滇黔紀遊

五

沼園亭之址在馬

螺峰在城東北隅倚山建元通寺頗多亭榭名人題句甚多俱刻巖石松楸頗盛四時綠陰交覆白雲瀟灑差足遊覽夏桂洲有五言律一首鐫崖石上其辭曰古寺翠崖陰危亭絕頂臨鶴巢松有夢雲出岫無心仄徑攀蘿上叢臺刻竹吟南蠻秋日暝哀響合猿音正德十三年秋七月五日廣信夏言題但未考桂洲何事而至滇也

城南七十里即太華山高峻凌虛城西即碧鷄山相傳漢時有鳳儀此所以王褒持節來祀也城北蛇山直出雲表如列屏翰

金馬碧雞坊在南關外乃百貨滙聚人烟輳集之所也富庶有江

浙風



東郭有金牛寺寺外八角亭中有銅牛一重數萬斤以鎮水怪蓋此地緣溪每春夏霖雨東北萬山之水奔流如駛往往衝圮民居故範牛以鎮明末孫賊僭號取牛鑄錢國朝水發屢壞廬舍今已復鑄水患減矣

銅瓦寺在會城東十餘里金馬山西北麓範銅為瓦覆寺三楹春月遊人畢集

昆明池方數百里跨雲南安寧晉寧三州郡水如倒流故曰滇水無洩處或曰由西南流入金沙江以趨蜀未知是否

安寧州有溫泉甲於諸泉稱三絕第一無硫氣二則身有垢不假澣濯入水俱浮三有疥癬者一澡即痊

大理府為天竺之妙香國初屬羅刹相傳觀音大士從中印土來

滇黔紀遊

共

登點蒼山巔踟躕信宿今盤陀石尚在化其地結廬勒券刻洱海石壁字跡宛然

蒼山峰頂有黑白二龍池雲霧晦暝群龍千百出沒黑池尤猛烈樵者不敢近木葉飛墜霹靂隨之

白崖在大理東南烟火萬家有高娘寺與迷都隔百里迷都亦大村落百貨俱集地暖同交趾沃壤數萬頃

點蒼山一名靈鷲梵語耆闍崛蒙氏封為中岳漢書曰邗龍雲南其山如扶風太乙上有馮河周迴萬步五月積雪皓然即此山也有十九峰夕陽峰居中其高直上五十里登其巔復有大山高五十里度嶺西行達永昌界矣山色蒼翠欲滴奇花異卉遍於巖谷四時不謝早起開爽日出後即雲霧覆之至七八月雲霧收淨惟



一白縷橫截山腰日夕皆然所謂玉帶鎖蒼山也其下多土石三塔寺后產者乃佳餘皆白石而已地暖無冰霜溪澗積雪厚數丈盛夏兒童碗盛賣之和以糖蜜可療飢但多食則生癭嵐瘴所結也

大理一名羊苴咩城狄青討儂智高史稱智高遺金龍衣而遁不知所終殊不知其終於大理也今其宅遺塚尚存城內有兩司馬祠一祀司馬遷一祀司馬相如漢元封間遷奉使西征南畧印罕昆明相如持節開越雋故皆立祠祀之隋南蠻叛史萬歲破之追近大和見諸葛武侯紀功碑銘其背曰萬歲之后勝吾者過之萬歲踣其碑碑誌曰史萬歲不得仆吾碑遂為復立今在高娘寺史公亦有遺像明萬曆間鄒應龍撫滇平鐵索箐赤石崖群盜今

有戴德祠此葉榆四遺愛也

感通寺在郡南十里點蒼之麓又名蕩山寺峰巒環遶林壑幽深楊升庵寓寺小閣題曰寫韻樓四壁皆升庵墨妙升庵往來大理永昌間近四十年訪於舊家得白古通玄峰年運志其書梵文升庵熟諳其語譯為滇載記南詔始末方得詳條登寫韻樓雞足雪山橫亘煙雲之表明末滇詩人唐大耋雜染號擔當和尚亦寓此楼壽九十餘樓前白茶花高數十大數十圍花如玉蘭心殷紅滇南只此一樹埋條分種皆不活也

崇聖寺又名三塔寺在郡北五里三塔矗峙隔洱海百餘里輒望見中塔正方磚石甃成高四十八丈十六級絕頂四角範四金鶴高二丈塔下遊人以巨石投地金鶴昂首長鳴音響清越黔國公



楷書山海大觀四字文石鑿成一字縱橫四丈四石列塔前如屏  
銅鐘三各重十萬斤南詔建極十三年造乃唐咸通年也大雄殿  
巨麗精巧覆以琉璃瓦墁地並徑丈點蒼石甬道傍紫荆樹亦高  
數丈唐朝老梅狀若古松亭亭直上枝幹如檜栢大士像乃天雨  
銅汁所鑄高二十四尺滇西兩銅雨鐵乃常事不足為怪然其理  
不可得而究也

黃花老人石刻草書在崇聖寺中字大如碗筆法飛舞相傳以樵  
御穀蘸墨書者老人為宋元間人自江右來住久仙去四絕句甚  
佳其辭曰王母祠東古佛堂相傳棟宇自隋唐年深寺廢無人住  
滿谷西風栗葉黃拄一條青竹杖興來日掛百錢遊夕陽欲下  
山更好深谷無人不可留帝遣名山護此邦千家落落嶺西窻山

人乞與山前地鶴托先開二十雙掛鏡臺西掛玉龍半山飛雪舞  
天風寒雲欲上三千尺人道高歡避暑宮

弘聖寺在郡西二里舊名王舍寺浮屠三十丈十六級阿育王建  
寺前有楊升庵摹刻禹碑蒼山向有五百寺俱阿育王建今尚存  
六十餘處城內大慈大悲文殊普賢藥師興福而普寧最大為祝  
聖所玉局峰下以唐御史杜光庭為伽藍光庭自號青城居士灌  
縣人教授大理始開文教龍泉峰下有祭天臺相傳諸葛武侯征  
南在蒼洱駐兵數月見玉局峰下鳳凰一雙飛鳴而過公攬車遍  
歷榛莽得峭壁石龕三皇五帝像乃建閣奉像其中而祀之又於  
石上鑿八卦今尚存焉

無為寺在蘭峰半巉巖峭壁行茂林數里兩山豁然中間從絕澗



左折入寺有石樓寬三十丈樞衣登之洱海雪山近在几席有香  
杪五株大百圍高八九十丈太古時物也昔有二十餘樹喪亂時  
為獼蠻伐盡此僅存者

芒湧溪在郡北二十五里昔有三十八庵巖壑幽秀天風海濤時  
震林木蒼山中巖號雪山有盤石徑犬為釋迦苦行地草石皆作  
梅檀香亦名香石巖傍有鳳眼洞有天生木橋其木半月一換四  
季長新人跡罕到惟樵徑耳與畢鉢羅窟相近皆點蒼古跡也然  
天生木橋神力半月一換永昌鶴麗皆有之不止大理也靈鷲列  
刹相望蓋在天竺幅員之內為阿育王故封曾建八萬四千塔大  
理塔基数百皆其舊址唐乾德二年詔沙門三百人入天竺求舍  
利及梵書至開寶九年始歸其記錄行程曰魏峰曰雞足山曰優

波擲多石室曰王舍城曰鷲峰曰阿難半身舍利塔曰畢鉢羅窟  
以今考之皆大理古跡也蓋當日由西番行入天竺而轉東行以  
達大理者緣南詔為蒙氏地而黔蜀之道不通也白古通載釋迦  
在洱海證如來位而藏中載釋迦於靈鷲山說法華經其說相合  
又釋迦死時迦葉尊者在耆闍崛山後入雞足雞足與靈鷲相望  
而畢鉢羅窟舍利塔見存與通紀酉陽雜俎吳船錄舊唐書俱同  
一轍然則世之所謂佛國者即在滇南矣

大理西門外教場每年三月十四十五十六三日為大街子百貨  
俱集結茹如闌闌文武官吏共出彈壓以防蒼山後生猥搶劫唐  
宋元明相沿不廢如小街子逢二五八日聚於各市午過則散矣  
大理有風花雪月四景上關花下關風蒼山雪洱海月今花斬伐



無種風則處處有之下關稍甚耳自九月起至次年五月無日不排山倒嶽破房揭瓦散如雷吼惟黎明少息辰刻復起室內燃燈入窓洞開燈影不搖也迺下關橋必下蓋整冠否則飛颺而去矣下關南望萬山壁立一水中通其曲折處即風穴故雖晴和之日此處仍然大風不息語云雨師好黔風伯好滇豈風雨果有所好哉蓋滇西瘴氣特甚有風則散亦上天愛人之至故生風穴以其間也

洱海源出下關北流合金沙江江屬麗江府所謂恒河也海產大頭魚食之皮脫土人不忘蒼山絕頂有高河菜七八月生紅莖碧葉味辛如芥

櫻桃樹極多大數圍高數十丈白多於紅味酸澁連翹花遍於籬

落黃色可觀杜鵑有五色茶花亦有黃紫紅白四種其大如碗夜合樹高廣數十畝枝幹扶疎曲折開花如小山覆錦被絕非江浙馬纓之比草麻數十年不凋其本可作梁棟土人以之構堂屋番瓜如斛大重至數百斤者茄大如斗瓠乾可盛粟二十斛片之可為舟航梨至有七斤重者

雲南縣古名洱海縣南二十五里為水目山水目梵刹容衆千餘太和縣城傍蒼山學宮衙舍祠廟皆東向十九峰澗水進城潺湲不絕故民殷富土肥饒穀穗長至二百八十粒戎菽年前即采供蔬饌土人謂之大莞豆藥有一百七十七種性良於他產惟附子自蜀中來土橄欖生籬落間如龍眼色紅黃味同閩中青橄欖黃柑產賓川者大如碗胡桃皮薄如紙山桃皮厚可榨油榛松皆不



下遼東但味淡少遜耳花之屬四時不絕雖大雪五色爛熳畧不  
萎謝草至五月始生以地不熱之故然花獨不畏寒耶理不可解  
也刺桐花開於七月極紅旁映他樹山石皆赤惟蘭不香梗葉之  
大過閩蘭二十倍鉤藤亦出蒼山以之釀酒名啞魯麻  
定西嶺在白崖西北高數千仞至巔則坦如有水可種桑麻百萬  
頃也四十里至趙州自湖南辰沅以西皆自下而上至鎮遠趨貴  
陽俱上大山斗峻險絕之坡指不勝屈皆上峻而下坦也至定西  
而盡其地高中州千有餘里去天尺五黑夜星光照耀如晝天如  
覆釜伸手可捫星辰身雖履地自覺憑虛至永昌騰越更入霄漢  
矣

洱海朝東風暮西風四季不爽故舟航來去皆張帆而行不假篙

櫓至八月望夜海中出珊瑚樹高數丈漁者盡見冬日大風海水  
倒卓起火光如山

金沙江兩岸皆白沙佛書所謂恒河沙即此也上流即狗頭國今  
年大水漂一狗頭人至岸上下衣服同中國口耳眉目皆狗也逾  
日得土氣狗人復生問其言答之如狗吠與之飲食大嚼也土官  
解來大理軍門府因得寓目後軍門命土官解還原處解人行一  
百二十餘日始抵其國國中無城郭有宮室國王朱冠皂履跨白  
馬佩刀官吏皆如之服食起居中國同也婚嫁則非金沙江水經  
注所謂西洱河也洱水合漾水潯水西南行三日八十里至瀾滄  
江即黑水也自黑水東北行九千里達於北京東行七千里達於  
江寧大理蓋中國之極西而迤南矣



沅江武定之間有魯葵山方千里民皆蓄髮劫掠流毒官兵不能制地險絕鴻荒以來未見天日過此則銀場在焉富甲於江浙丈殊寺方丈面東雞足當前如列翠屏雞足之東玉峰出天半此麗江小雪山也登小雪山即望見大雪山矣小雪山亦出雪蛆大者如兔味如乳酥多食口鼻出血

雞足山在賓川州沅洱海四十里乘風而渡兩日到山三峰偃伏如雞距頂有石門佛大弟子摩訶迦葉秉釋迦衣鉢入定於此候慈氏佛下生乃入涅槃逢歲朔四方緇素進香自漢迄今不絕大刹七十二所蘭若三百六十小庵無算傳衣羅漢迦葉寂光放光五大寺最著每寺千衆或數百衆不等皆刀耕火種為食僧多卷毛鈎鼻深目穿耳即曩在五臺京師及江浙閩粵所見乞食羅漢

也頗知漢語迦葉殿在雞足之半無三十年不火

賓川州瘴氣甚濃四五月間雞足道絕人行更有變鬼者婦女居多或變猫變羊變雞鴨變牛糞變象馬遇車客則殺而奪其貨村落中或有此種人左右鄰必鳴官擒治否則連坐其人面黃眼赤神情恍惚容易識認

金沙江有二在緬甸者流而南在麗江者流而北南趨南極北則遠西極合黃河而入中國皆發源大理之洱海即葉榆澤也黑水源出吐番嗟和哥界而流為瀾滄江以西洱為黑水者非也故足跡不到盡信書不如無書也

騰越鐵少土人以毛竹截斷實米其中熾火煨之竹焦而飯已熟甚香美亦有巢居者語言不通地出琥珀碧玉珍寶彝婦緝葉為



衣飄飄欲仙葉似野粟甚大而柔故耐縫紉且可却雨也

麗江府土府也有同知掌府印知府則木氏世襲見同知甚恭稱公祖自呼曰治晚生景東蒙化永寧三郡皆然此三郡不若麗江繁庶余曾至三郡山川草木皆不足紀也麗江過雪山三四日程皆喇麻居止從此達中印度僧俗俱戴紅帽烏斯藏戴黃帽僧稱大寶法王紅帽者稱二寶法王皆茹蔬有幻術能變化大寶法王臨死現七十二相故土人皆驚怖以為活佛也打箭爐近天全六番余昔遊蜀與天全副宣慰楊自唐相識因入其地豐庶甲諸番百貨皆有烏斯藏以打箭爐為外障也

臨安府漢彝雜處所轄之石屏阿迷二州時有彝患近日三韓徐印祖知石屏以威德制之患少息郡出棗子有銅鐵二種每囊百

八顆銅色者佳黑鹽井亦出不及郡中通海縣出紬與布斜紋線織極勤着

澂江府最荒涼然民淳易治糧不逋盜賊少訟獄簡易為循卓吏惟路南州稍悍耳然苗獠之患亦不免也

廣西府近安南有莫冶峰高萬仞終歲雲霧不開在師宗彌勒之境惟三月三日起至四月三日止一月皎潔遊人登其巔望見安南宮室山中多金銀礦故民物富雖十廣南府不及也

楚雄姚安開化三郡雖相間甚遙而風土則相近然肥瘠各異故貧富不類山川亦有奇異可紀者洞壑亦有絕勝可遊者山若凌華欺岱眇岳天鐘黃雲紫絲皆秀色可餐川若丹池墨海雲溪波塘荷澤菱漢皆可濯纓濯足而五色三州之諸生皆恂恂儒雅敬



慕中國余曾遍遊三郡邑車馬之資飲食之供皆各諸生傳奉諸生之家即余遊客之郵舍也別時各有遺贈土儀之盛餽膳之豐多至百金者甚矣文教之重也雖蠻貊之鄉誦詩讀書之人皆知敬其類而文物之邦其能若是也耶

蒙化府產雞縱菜赤白二種赤色味絕佳其油甘香可調五味椒油色碧如泉其香如蘭入蔬中食則心肺腑溲溺皆馥

武定府山川亦可流覽但民貧土瘠徙於訟悍於鬪有燕趙風所屬祿勸州有洪冶山巔有火池陰雨則熾

永昌府瘴癘最濃產寶石探者往往瘴死井中出圍碁子光潤如玉琢勝會城出者鐵索橋數處架萬仞山巔險過盤江百倍然窄易渡耳

滇西多蜜餞物蜜甚多彝人撲得大蜂以長線繫其腰識以色紙迎風放之乃集衆荷各鋪隨行度越山嶺蜂入土窠從而掘之其穴大如城郭輒得蜜數百斛故檳榔香附橙柑木瓜香圓梅李川芎瓜茄多以蜜漬供客復以酒醉群蜂餉親友如溫台之海味也蚱蜢油炙如鰕或晒乾下酒猥猥男婦小兒見草中螽斯之屬即歡笑撲取火燎其毛嚼吞之

滇中苗猥焚爨麼麼之屬擔負貨物項戴半木枷徒行亦不暫脫相傳武侯定南蠻設此號令群彝使其不敢與漢人為伍以別貴賤殊不知非也彼戴木枷者殆可負重以便工作耳

